

14-Sept. 2026

समां - 12:25 hrs.

<><><><><><><><><><><>

Shah –Kashmir

केन्द्रीय गृहमंत्री अमित शाह होरें गलाया जे दफा 370 ते 35-ए गी बगैर इक बी खून दा कतरा बगे दे जां इक बी गोली चलाए दे हटाई दिता गेआ। मुम्बई च पत्रकारें कन्नै गल्ल करदे होई शाह होरें पिच्छले 12 बरे च केन्द्र सरकार दी उपलब्धियें ते प्रधानमंत्री नरेन्द्र मोदी हुंदे नेतृत्व च BJP दे 25 बरे दे सफर उप्पर लौ पाई। उ’नें जोर देइयें गलाया जे कश्मीर हून पूरी चाल्ली भारत कन्नै एकीकृत ऐ। राश्ट्रीय सुरक्षा दे मुद्दे उप्पर शाह होरें गलाया जे Surgical-Strike, हवाई हमले ते ऑपरेशन सिंदूर ने आतंकवाद प्रति सरकार दी दना बी बर्दाश नैई करने दी नीति गी प्रदर्शत कीता।

<><><><><><>

Swachh Vayu Sarvekshan

भारत दे नमें “राश्ट्रीय स्वच्छ वायु सर्वेक्षण” च जम्मू-कश्मीर केन्द्र शासत प्रदेश दी सर्दियें दी राजधानी जम्मू श्रेणी-2, 3 लक्ख शा 10 लक्ख बश्कार दी जनसंख्या आहला शैहर च 20मीं थाहर उप्पर पुज्जी गेआ ऐ। जम्मू नै 2023 च अपनी Ranking च 18 थाहरें दा सुधार कीता ऐ ते पिच्छले इक बरे च 2 थाहरें दा, बाददा दर्ज कीता गेआ ऐ।

जम्मू दा CPCB –Score 2023 च 102 इशारिया 8 शा बधिये, 2025 च 168 इशारिया 2 ते 2026 च 176 इशारिया 5 होई गेआ ऐ। 2026 दे नतीजें च जम्मू दे 3 वार्ड गी राज्य स्तरीय पुरस्कारें कन्नै बी सम्मानित कीता गेआ ऐ। ग्रेटर कैलाश वार्ड नम्बर -68 गी श्रेणी-2 ते भगवती नगर वार्ड- नम्बर 14 गी श्रेणी-3 च सूचिबद्ध कीता गेआ ऐ।

<><><><><><>

LG -Ganesh Chaturthi

उपराज्यपाल मनोज सिन्हा होरें अज्ज “गणेश चतुर्थी” दे शुभ मौके उपपर सब्बनें लोकें गी शुभकामनां दिती ऐ। अपने स्नेह च उपराज्यपाल होरें भगवान गणेश होरें गी ज्ञान, बुद्धि ते सफलता दा प्रतीक दस्सेआ। उ’नें प्रार्थना कीती जे भगवान गणेश सब्बनें गी सुख, शांति, सौभाग्य ते समृद्धि प्रदान करन। एल.जी होरें त्योहार मना’रदे सब्बनें गी मुबारख दिंदे होई, मेद बुज्झी जे एह अवसर लोकें बश्कार प्रेम, सदभाव, एकता ते आपसी सम्मान दी भावना गी होर मजबूत करै। उ’नें जम्मू ते कश्मीर दे हर घर च सुख-शांति ते समृद्धि दी कामना कीती।



Prog. Announcement

आकाशवाणी जम्मू दा क्षेत्रीय समाचार एकांश अज्ज 14 सितम्बर गी दपैहरी 2.30 बजे “हिंदी दिवस” दे मौके पर 30एं मिन्टें दा इक विशेष कार्यक्रम दा प्रसारण करोग। कार्यक्रम दा विशे ऐ- “डिजिटल युग च हिंदी- नमियां संभावना, नमियां चुनौतियां”। इस विशेष प्रसारण च साढ़े परौहने होगन Central University जम्मू च हिंदी विभाग दे प्रमुख डाक्टर शशिकांत मिश्रा, जेहड़े इस विशे पर अपने माहिराना विचार सांझे करगन। इस कार्यक्रम दी मेजबानी साढ़े एंकर विजय बजाज होर करगन।



CS Prision

मुख्य सचिव अटल डुल्लु होरें कठुआ जिले दे दांबरा च चला’रदे उच्च सुरक्षा आहली जेल दे निर्माण दा निरक्षण कीता ते बक्ख-बक्ख कम्में दी प्रगति दी समीक्षा कीती। अपने दौरें दौरान उनें गी दस्सआ गेआ जे जेल परिसर दे बक्ख-बक्ख हिस्सैं, सरबंधत इमारतें ते सुविधायें दा निर्माण कम्म तकरीबन पूरा होई चुके दा ऐ। मुख्य सचिव होरें सरबंधत अधिकारियें गी कार्यकारी एजेंसियें गी बकाया कम्म च तेजी लोआने ते परियोजना गी तौले शा तौले पूरा करने दे निर्देश दिते। गृह विभाग, जेल, सिविल प्रशासन सनें पुलस दे वरिष्ठ अधिकारी बी इस दौरान उन्दे कन्नै मजूद हे।



W T-20 Asia Cup

कल रातीं दुबई च खेड्हे गेदे महिला एशिया कप-2026 दे फाइनल च भारत ने शानदार प्रदर्शन करदे होई श्रीलंका गी 72 रन्जें कन्नै हराइयै रिकार्ड 8मीं बारी एशिया कप दा खिताब अपने नांs करी लेआ ऐ। इस जित दे कन्नै भारत नै 2024 दे फाइनल च श्रीलंका शा मिली दी हार दा बदला बी लेई लैता ऐ। इक-रोजा मैच ते टी-20 दवै श्रृंखलाएं च एशिया कप दे फाइनल च श्रीलंका उप्पर भारत दी एह 6मीं जित ही, जेहदे च 2004 दा फाइनल बी शामिल ऐ। पैहले बल्लेबाजी करदे होई भारत ने 5 विकेटें दे नुकसान उप्पर 183 रन्ज बनाए। सलामी बल्लेबाज शेफाली वर्मा ते स्मृति मंधाना ने रिकार्ड त्रोट 129 रन्जे दी शानदार सांझेदारी कीती। एहदे मगरा गेंदबाजें, श्रीलंका गी 19 ओवर ते 4 गेंदें च 111 रन्जे उप्पर ऑल आउट करी दिता। शेफाली वर्मा गी प्लेयर ऑफ द मैच चुनेईआ गेआ।



JK Weather

मौसम विभाग ने पेनशगोई कीती ऐ जे अगले किश दिनें दौरान जम्मू-कश्मीर च मौसम अस्थिर रौहग। विभाग दा आखना ऐ जे अज्जै थमां लेइयै 17 सितम्बर तगर मते सारे इलाकें च बरखा पौने जां अंधी-झकखड़ झुल्लने दे असार न। 18 थमा 23 सितम्बर तगर मौसम ज्यादातर खुश्क रौहग, हालांके किश थाहरें पर थोहड़ी बरखा पेई सकदी ऐ। लोकें गी सलाह दिती जंदी ऐ जे ओह अंधी-झकखड़ ते तेज ब्हाएं दौरान सावधानी बरतन, खास तौरा पर यात्रा करदे बेल्लै जां बाहरली गतिविधियां करदे दौरान।

जम्मू-कश्मीर च कल तगर मौसम दे आमतौरा पर खुश्क रौहने ते कुसा-कुसा थाहर हलकी बूँदा-बूँदी होने दी पेशनगोई कीती ऐ। ऊआं अज्जै थमां 16 सितम्बर दे बश्कार केई थाहरें बड़लै ते दपैहरी हल्की बरखा पेई सकदी ऐ। एहदे मगरा 17 शा 20 सितम्बर तगर आमतौरा उप्पर मौसम खुश्क गै रौहग पर ऊआं कुसा-कुसा थाहर हौली बरखा बी पेई सकदी ऐ। मौसम विभाग दे सेअऊ ते मूंजी दी खेती करने आहले करसानें गी औने आहले दिनें दुरान मौसम स्हाबै कम्म करने लेई आखेआ ऐ।

